

**URDHËR**  
**Nr. 31, datë 26.1.2023**

**PËR DISA MASA MBROJTËSE NDAJ SËMUNDJES SË INFLUENCËS AVIARE  
ME PATOGJENITET TË LARTË TË SHPENDËVE, TË SHFAQUR NË SHTETIN  
E BELGJIKËS**

Mbështetur në nenin 102, pika 4, të Kushtetutës; në nenin 43, të ligjit nr. 10465, datë 29.9.2011, “Për shërbimin veterinar në Republikën e Shqipërisë”, të ndryshuar, si dhe në informacionin e përditësuar të marrë nga faqja zyrtare e Organizatës Ndërkombëtare të Mbrojtjes së Shëndetit të Kafshëve (OIE),

**URDHËROJ:**

1. Ndalimin e importit, tranzitimit nëpërmjet territorit të Republikës së Shqipërisë, të:

- a) shpendëve të gjallë shtëpiakë dhe të egër;
- b) zogjtë 24-orësh;
- c) shpendë dekorativë;
- ç) materialit biologjik të shpendëve;
- d) vezët e shpendëve;
- dh) mishi i shpendëve;
- e) nënproduktet e shpendëve.

Nga shteti i Belgjikës, sipas tabelës së mëposhtme:

| Nr. | Ndarja administrative<br>e nivelit 1 | Ndarja administrative<br>e nivelit 2 | *Ndarja administrative<br>e nivelit 3 |
|-----|--------------------------------------|--------------------------------------|---------------------------------------|
| 1.  | Vlaanderen                           | Antwerpen                            | Turnhout                              |
| 2.  | Vlaanderen                           | Limburg                              | Maaseik                               |
| 3.  | Vlaanderen                           | Limburg                              | Hasselt                               |
| 4.  | Vlaanderen                           | Oost-Vlaanderen                      | Eeklo                                 |
| 5.  | Vlaanderen                           | West-Vlaanderen                      | Tielt                                 |
| 6.  | Vlaanderen                           | West-Vlaanderen                      | Veurne                                |
| 7.  | Vlaanderen                           | West-Vlaanderen                      | Brugge                                |
| 8.  | Vlaanderen                           | West-Vlaanderen                      | Diksmuide                             |
| 9.  | Wallonie                             | Luxembourg                           | Marche-en-Famenne                     |

*Shënime. Simboli (\*) nënkupton zonën e infektuar që bllokohet.*

2. Certifikata veterinare të garantojë origjinën e ngarkesës së ardhur.

3. Autoriteti Kombëtar i Ushqimit të informojë rregullisht Drejtorinë e Përgjithshme të Zhvillimit në Fushën e Sigurisë Ushqimore, Veterinarisë, Mbrojtjes së Bimëve dhe Peshkimit dhe Autoritetin Kombëtar të Veterinarisë dhe Mbrojtjes së Bimëve, për çdo ngarkesë të shpendëve të gjallë shtëpiakë dhe të egër, zogjtë 24-orësh, shpendë dekorativë, materialit biologjik, vezët e shpendëve, mishi i shpendëve dhe nënproduktet e shpendëve që vijnë nga vendet e sipërcituara në pikën 1.

4. Urdhri nr. 483, datë 24.10.2022, “Për disa masa mbrojtëse ndaj sëmundjes së influencës aviare me patogjenitet të lartë të shpendëve, të shfaqur në shtetin e Belgjikës”, shfuqizohet.

5. Për zbatimin e këtij urdhri ngarkohen Drejtoria e Përgjithshme e Zhvillimit në Fushën e Sigurisë Ushqimore, Veterinarisë, Mbrojtjes së Bimëve dhe Peshkimit, Drejtoria e Politikave Veterinare, Autoriteti Kombëtar i Veterinarisë dhe Mbrojtjes së Bimëve dhe Autoriteti Kombëtar i Ushqimit.

Ky urdhër hyn në fuqi menjëherë.

MINISTËR I BUJQËSISË DHE ZHVILLIMIT RURAL  
**Frida Krifca**